



Suns Europe, Udin si jemple di lenghis, visions, peraulis e creativitat

Al è timp di Suns Europe. Udin e il Friül a tornin a jessi il cûr de Europe «unide te diversitât» cu la seconde edizion dal Festival european des arts tes lenghis minoritariis, che al jere stât inmaneât pe prime volte un an indaûr. Di joibe il 1n di Dicembar a sabide ai 3 il Teatri 'Giovanni da Udine' si jemparà di musicichs, di imagjins, di peraulis, di lenghis, di identitâts e di creativitat. In struc: si jemparà di Suns e di Europe, di Suns Europe!

La manifestazion, metude adun cul jutori de ARLeF (Agenziej Regionâl pe Lenghe Furlane) e de Regjon, cul coodenament di Radio Onde Furlane adun cu la cooperative Punto Zero e Il Laboratorio e cu la colaborazion di une schirie di sogjets e istituzions dal Friül e dal rest de continent, e darà spazi a diversis espressions creativis tes lenghis des minorancis e des nazions cence stât: la musiche, la scritture, tra poesie, narrative e teatri, e la produzion audiovisive, tra cine, tv e web, oparis di finzion e documentaris.

Trê dîs di concerti, proiezioms e incuintris Tal «Teatron» che si cjate insom dal Borc di Trep, là che l'an passât e jere stade fate dome la serade finâl de sezion dedicate ae musiche, a saran trê dîs bieî pençs di incuintris cui autôrs, proiezioms di films e videos, leturis, esibizioms, concerti e altri events ancjemò.

Il program dal Festival al vignarà presentât in forme uficiâl, con ducj i details, dome chi

di cualchi di. Cundut achel al è za pussibil contâ alc in cont dal festival che al puarte la Europe in Friül e il Friül in Europe.

Chest al vâl in particolâr pe musiche, stant za un mês indaûr a jerin saltâts fûr i nons dai grups e dai soliscj che a son stâts selezionât par sunâ dal vîf a Udin, vie pai trê dîs de manifestazion. Si va di Veronika Usholik, cjantante che e rive de lontane Chucokta (Russie), al progjet di rock par breton firmât di Brieg Guerverno e dai Steso che tes isulis Faer Oer a produsin un trip pop electronic inmagant ai galizians Familia Camagno, cuintet che al messede rock, pop, beat e r'n'b. E ancjemò dai rappers irlandês Imlé ae cjantante frisone Norma e dal cjantautôr de Cornualie Rory McGrath al performer de Chakassie (Russie) Gurude. Cun lôr, te serade finâl dai 3 di Dicembar (apontament a 9 di sere; jentrade sore nuie ma al covente ritirà prime i billets) a saran ancje i artiscj selezionâts dentri di Suns Ladinia, il festival de cjançon in lenghe minoritarie de Europe alpine e mediteranie, che si davuelç juste usgnot a Moena, in Val di Fasse.

E sarâ ancje la ocasion di cognossi di dongje Xavi Sarrià, scitôr e musicist di Valencia, autôr di doi romançs e vôs e ghitare dai Obrint Pas, un dai grups miôr dai País Catalans. Si podarà viodi cines par gaelic irlandês, par inuit, par sart, par sloven e par basc e cognossi lis vôs e i viers di poetis di diversis comunitâts dal continent. Tra i events speciâi al è ancje un incuintri

cui zovins des scuells dal teritori che a podaran cjapâ cussience di cemût che la diversitât linguistiche e culturâl e je un patrimoni, un dirit e une oportunitât par ducj.

Il Friül in vetrine, de letérature al cine.

Il festival che ai prins di Dicembar al jemparà Udin di suns e di siams al è ancje une ocasion pe nestre comunitât par mostrâ la sô muse, la sô lenghe e la sô produzion culturâl plui gnove e plui interessante.

Te prime zornade di Suns Europe di chest an e sarâ la presentazion dal gnûf libri di Stiefin Morat. Publicât di KappaVu, il so titul al è 'Kebar Krossé' e al è un romanç afro/furlan: cui che al à za let alc di chel test al dîs che al è

il degn erêt di 'Donald dal Tiliment'. Propit lis aventuris di Pidìn e Saco, i protagoniscj sfolmenâts di chel libri saltât fûr tal 2000, a saran il cûr di une leture seniche furlane, babeliche e trastolone par cure di Teatro Sosta Urbana.

Une altre anteprime furlane e je chê di 'Friül Revolution', la serie produsude pe television de bande dai Cjastrons e di Marco D'Agostini, che e conte in maniere comiche e sureâl il Friül rivoluzionari che al è e che al sarâ. Il Friül furlan al sarâ sul schermi ancjemò cuntune altre novitât: il prin episodi di 'Int/Art', il documentari di Dorino Minigutti che al conte i creatifs di chenti «under 35».

Te sezion dedicate ae produzion audiovisi-



sive al sarâ spazi ancje pal Friül di lenghe slovene, cul cine di Giovanni Chiarot 'Brez Mej' intant che la pluralitât linguistiche des Alps al Adriatic e de Livence al Timau si mostrâr ancje tai incuintris dedicâts ae poesie.

Dutis lis informazioms su Suns Europe si cjatin in rêt: www.sunseurope.com e www.facebook.com/SunsEuropeFestival/.

Marco Stolfo

